

AKHBAR : SINAR HARIAN
TARIKH / HARI : 03 APRIL 2017 (ISNIN)



Rosli bergambar bersama ahli-ahli majlis, pengarah jabatan MBSA serta peserta Kem Kesedaran Alam Sekitar MBSA 2017 di Taman Botani Negara Bukit Cerakah, Shah Alam.

SERAMAI 100 pelajar sekolah sekitar daerah ini menyertai program Kem Alam Sekitar 2017 anjuran Majlis Bandaraya Shah Alam (MBSA) di Taman Botani Negara, Bukit Cerakah.

MBSA dalam satu kenyataan media berkata, program selama tiga hari yang disertai pelajar berusia antara 9 hingga 15 tahun itu adalah program kali kedua diadakan bertujuan memberi pendedahan kepada peserta mengenai kepentingan menjaga dan memulihara alam sekitar.

"Program ini juga adalah inisiatif MBSA untuk memupuk sikap memelihara dan cintakan alam sekitar sebagai salah satu aspek penting dalam kehidupan harian.

"Dalam program kali ini kita ketengahkan tiga modul latihan dalam kumpulan dan empat modul sukan lasak," katanya.

Antara pengisian program sepanjang tiga hari itu adalah penyediaan modul seperti memasang khemah dan kraf perkhemahan, pembinaan

organisasi harapan, ikhtiar hidup, 'outdoor nature adventure program: jungle tracking', 'night walk' dan sebagainya.

Peserta juga diberikan pendedahan berkaitan pengurusan kitar semula dan topik yang berkaitan dengan pemuliharaan alam sekitar.

Majlis perasmian disempurnakan Timbalan Setiausaha MBSA, Rosli Bakar dan turut hadir, ahli-ahli majlis serta pengarah-pengarah jabatan MBSA.